

ALUMNAS DE BACHARELATO CIENTÍFICO- TECNOLÓXICO DIANTE DA ELECCIÓN DE ESTUDOS DE ENXEÑARÍA

ÁLVAREZ LIRES, Francisco Javier
ÁLVAREZ LIRES, María M.
ARIAS CORREA, Azucena
CHOUZA FERNÁNDEZ, Pura
Universidade de Vigo

RESUMO

Nesta comunicación móstrase a análise do discurso procedente de entrevistas semiestruturadas realizadas a alumnas de Bacharelato científico-tecnolóxico de Galicia, posuidoras dun bo expediente académico, sobre a súa posición diante da posible elección de estudos de enxeñaría. Forma parte dunha investigación máis ampla sobre a escasa presenza das mulleres nos estudos de enxeñaría, pois coa excepción dos de Enxeñaría Química e Agroalimentaria, as porcentaxes non chegan ao 30%. Amósanse as conclusións desta parte da investigación e ofrécese unha posible interpretación do afastamento das alumnas dos anteditos estudos.